

## Mališan sa četiri godine postao najmlađi klupski DJ na svijetu



Archie Norbury poznat pod nazivom DJ Archie najmlađi je klupski DJ na svijetu.

Archie je prava mini muzička senzacija na nastupima širom svijeta, a čest je i gost muzičkih festivala u Ujedinjenom Kraljevstvu.

Ovo čudo od djeteta sa četiri godine i 130 dana starosti, prema pisanju Guinnessove knjige rekorda, da bi oborio rekord morao je nastupati bez pomoći pola sata pred publikom od najmanje 20 ljudi. Pokušaj obaranja rekorda zabilježen je u klubu u Hong Kongu, gdje je mališan oduševio prisutne.

Prethodno je ovu titulu nosio DJ Arch Junior, koji je u Johannesburgu 2017. rekord oborio s pet godina i 38 dana starosti.

Novi najmlađi DJ rođen je u Dubaiju, a od nedavno s porodicom živi u Hong Kongu.

Mališan od druge godine slijedi stope oca Johna Norburyja koji je također DJ. (AA)

Date: 20-10-2019